



Gradonačelnik
Hercegovačko-neretvanska županija Hercegovačko-neretvanski kanton
Federacija Bosne i Hercegovine
Bosna i Hercegovina

Broj. 02-16-17497/18-28
Mostar, 21.12.2020.godine

Na osnovu člana 64. stav (1) tačka a) i člana 70. stav (1), (3) i (6) Zakona o javnim nabavkama („Službeni glasnik BiH“ broj 39/14) (Zakon) i člana 43. Statuta Grada Mostara („Gradski službeni glasnik Grada Mostara“ broj: 4/04, „Službeni glasnik Grada Mostara“ broj: 8/09 i 15/10) gradonačelnik Grada Mostara donio je

O D L U K U
o izboru najpovoljnijeg ponuđača u postupku nabavke
cisterni za potrebe CZ

Član 1.

(1) Predmet javne nabavke (u daljem tekstu: nabavka): Javna nabavka cisterni za potrebe CZ.

Član 2.

(1) Javno oglašavanje: Obavještenje o nabavci broj: 1059-1-1-33-3-47/19 objavljeno na PJN dana 03.06.2019.godine.

Član 3.

(1) Odobrena sredstva: 495.000,00 (bez PDV-a)
(1) Izvor finansiranja: Sredstva planirana u Budžetu/Proračunu Grada Mostara - namjenska sredstva za zaštitu od prirodnih i drugih nesreća prenesena iz prethodnih godina i sredstva ek.kod 821321 „nabavka vatrogasne opreme- motorna vozila“.

Član 4.

(1) Vrsta postupka nabavke: Otvoreni postupak.

Član 5.

(1) Broj zaprimljenih ponuda: 3 (tri).

Član 6.

(1) Izabrani ponuđač/grupa ponuđača:
„Auto Animo“ d.o.o. Mostar i „M.G.S. Grupa“ d.o.o. Kraljevica (Hrvatska)
sa cijenom 494.798,00KM (bez PDV-a).

Član 7.

(1) Objava: Odluka će se objaviti na web-stranici www.mostar.ba istovremeno sa upućivanjem ponuđačima koji su učestvovali u postupku javne nabavke.

Obrazloženje

Odlukom Gradonačelnika Grada Mostara broj: 02-16-17497/18 od 28.12.2018.godine pokrenut je otvoreni postupak javne nabavke cisterni za potrebe CZ.
Komisija za javnu nabavku imenovana je Odlukom broj: 02-16-17497/18-1 od 28.12.2018.godine.

Ukupna procijenjena vrijednost nabavke je 450.000,00KM (bez PDV-a).

Obavještenje o nabavci broj: 1059-1-1-33-3-47/19 objavljeno je na PJN dana 03.06.2019.godine („Službenom glasniku BiH“ broj 41/19).

Tenderska dokumentacija objavljena na PJN.

Komisija za javnu nabavku je dana 16.07.2019.godine pristupila javnom otvaranju blagovremeno dostavljenih ponuda, sačinila Zapisnik o otvaranju ponuda i konstatovala da su u roku određenom za dostavljanje ponuda, ukupno dostavljene 3 (tri) ponuda i to:

1. „MIPEX AUTO RS“ d.o.o. Banja Luka
sa ponuđenom cijenom od 447.900,00KM
PDV (17%) od 76.143,00KM
Ukupna cijena 524.043,00KM
Rok isporuke 120 dana

2. Grupa ponuđača
„AUTO ANIMO“ d.o.o. Mostar (nosilac grupe)
„M.G.S. GRUPA“ d.o.o. Kraljevica
sa ponuđenom cijenom od 494.798,00KM
PDV (17%) od 84.115,66KM
Ukupna cijena 578.913,66KM
Rok isporuke 180 dana

3. „LIV-S“ d.o.o. Visoko
sa ponuđenom cijenom od 448.000,00KM
PDV (17%) od 76.160,00KM
Ukupna cijena 524.160,00KM
Rok isporuke 90 dana.

Nakon izvršenog pregleda ponuda ugovorni organ je donio Odluku o poništenju postupka nabavke cisterni za potrebe CZ broj: 02-16-17497/18-12 od 13.11.2019.godine (član 69. stav (2) tačka e) Zakona). a koja je poništena Rješenjem URŽ-a BiH Filijala Mostar broj: JN2-03-07-1-3215-7/19 od 30.01.2020.godine, usvojena žalba ponuđača „Mipex Auto RS“ d.o.o. Banja Luka i predmet vraćen ugovornom organu na ponovni postupak.

Postupajući po Rješenju URŽ-a BiH, a nakon što su ponuđači potvrdili produženje perioda važenja svojih ponuda, ugovorni organ je izvršio ponovni pregled i analizu dostavljenih ponuda pri čemu je utvrđeno sljedeće:

- **ponuda broj 1 ponuđača „Mipex Auto RS“ d.o.o. Banja Luka**

Ova ponuda ispunjava formalno- pravne, ekonomske i finansijeske zahtjeve iz tenderske dokumentacije.

Izvršenom analizom sadržaja dokumentacije kojom se dokazuje profesionalna i tehničke sposobnost ponuđača, Komisija je utvrdila da ova ponuda ne ispunjava zahtjeve iz tenderske dokumentacije:

Tačkom 13.3.2. b) pod 2. zahtijevano je da je ponuđač dužan dostaviti „kompjuterski tehnički nacrt ovjeren i potpisan od strane ovlaštene osobe, koji sadrži proračun opterećenja cisterni za vodu (vozilo ne smije biti preopterećeno)“.

Ponuđač je dostavio kompjuterski tehnički nacrt za autocisternu za vodu –AC-5 vozilo IVECO ML120E25, sa navedenim proračunom opterećenja, potpisan i ovjerene od strane ponuđača i firme „Resor“ d.o.o. Gadžin Han (Srbija) (stranica 29. ponude). Međutim, u priloženom tehničkom nacrtu nije popunjena sastavnica sa podacima ko je konstruisao, crtao, pregledao i odobrio nacrt, pa se isti ne može smatrati prihvatljivim.

Tačkom 9. zahtijevano je od ponuđača da ponude i isporuči predmetnu robu na način da ista odgovara svim tehničkim uslovima i karakteristikama koji su navedeni u tenderskoj dokumentaciji.

Ponuđač je dostavio tehnički nacrt, tehničke karakteristike koje ne odgovaraju uslovima traženim tenderskom dokumentacijom:

- Izvedba nadogradnje, zahtijevano „prostor za pumpu na zadnjoj strani vozila“ (3.1. teh.karakt.)
- Spremnik vode, zahtijevano je „vod od sa B stabilnom i slijepom spojkom za punjenje preko hidranta sa nepovratnim ventilom, smješten sa desne strane“ (3.2. spremnik vode teh.karakt.)
- Izlazi iz pumpe, zahtijevano je „dva tlačna izlaza “B” sa stabilnim i slijepim spojkama, s ventilima“ i „Sa stražnje strane vozila ili iznad pumpe izlaz na normalnom tlaku, s kuglastim ventilom, spojen na vitlo s cijevi“ (3.3.2. izlaz iz pumpe, teh.karakt.)
- Spremnik vode i opreme, zahtijevano je „ljestve za pristup spremniku vode, sa stražnje strane vozila, izrađene od istog materijala kao i spremnik „ i „u sklopu nadogradnje nosači za opremu i oprema“,

pa se tehnički nacrt ne može smatrati prihvatljivim.

Tačkom 13.3.2. b) pod 7) tenderske dokumentacije zahtijevano je da „ponuđač za svaku stavku iz tehničke dokumentacije ugovornog organa, u cilju potvrde da su ponuđene robe jasno identificirane po referencama, u skladu sa specifikacijama ili standardima, sljedeće:

- precizan opis tehničkih karakteristika roba koje nudi,
- fotografije roba koje se nude čiju autentičnost mora ovjeriti ponuđač,
- tehničku dokumentaciju, kataloge i drugi štampani materijali ili važne informacije koje se odnose na predmetnu nabavku,
- imena i adrese proizvođača i firmi koje obezbjeđuju garanciju.“

Prema izvršenom uvidu u ponudu, ponuđač je dostavio tehničke karakteristike vozila IVECO ML120E25 (stranice 34-37.), tehničke karakteristike cisterne za vodu RESOR CV5 (stranice 38-41.) i fotografiju/sliku sličnog vozila-informativnog karaktera (stranica 42.) i adrese firmi koje obezbjeđuju garanciju (stranica 43.).

Od dokumenata zahtijevanih tačkom 13.3.2. b) pod 7) tenderske dokumentacije, ponuđač nije dostavio fotografije roba koje nudi čiju autentičnost mora ovjeriti ponuđač i tehničku dokumentaciju, kataloge i drugi štampani materijali ili važne informacije koje se odnose na predmetnu nabavku, čime nije dostavljena sva dokumentacija zahtijevana ovom tačkom.

Cijeneći navedeno utvrđeno je da ponuđač „Mipex Auto RS“ d.o.o. Banja Luka nije ponudio robe koje u potpunosti ispunjavaju zahtijevane tehničke karakteristike, tj. nije dostavio ponudu kako je zahtijevano tačkom 9. tenderske dokumentacije „ Ponuđač je dužan ponuditi i isporučiti predmetnu robu na način da ista odgovara svim tehničkim uslovima i karakteristikama koji su navedeni u tenderskoj dokumentaciji.“

Shodno navedenom, ova ponuda ne ispunjava zahtijevane tehničke karakteristike predmeta nabavke, te se ne može smatrati prihvatljivom.

- Ponuda broj 2 Grupe ponuđača „Auto Animo“ d.o.o. Mostar i „M.G.S. Grupa“ d.o.o. Kraljevica (Hrvatska)

Ponuda ispunjava formalno-pravne, ekonomske i finansijske, te profesionalne i tehničke zahtjeve iz tenderske dokumentacije te se smatra prihvatljivom.

- Ponuda broj 3 Ponuđača „Liv-S“ d.o.o. Visoko

Ponuda ispunjava formalno-pravne, ekonomske i finansijske zahtjeve iz tenderske dokumentacije.

Kao dokaz profesionalne i tehničke sposobnosti ponuđača koji je „dužan ponuditi i isporučiti predmetnu robu na način da ista odgovara svim tehničkim uslovima i karakteristikama koji su navedeni u tenderskoj dokumentaciji“ (tačka 9. tenderske dokumentacije), a u skladu sa tačkom 13.3. 2 b) pod 2. ponuđač je bio dužan dostaviti „kompjuterski tehnički nacrt ovjeren i potpisan od strane ovlaštene osobe, koji sadrži proračun opterećenja cisterni za vodu (vozilo ne smije biti preopterećeno)“.

Uvidom u ovu ponudu utvrđeno je da na strani 26. Ponuđač je dostavio kompjuterski tehnički nacrt cisterne na kome se nalazi pečat i potpis ponuđača, koji sadrži proračun opterećenja cisterne, urađen od strane firme KARBA (Turska).

Priloženi tehnički crtež sadrži djelimično popunjenu sastavnicu koja je dio svakog tehničkog nacrtu u koji se upisuju svi neophodni podaci i isti je dostavljen na drugom jeziku koji nije službeni jezik u Bosni i Hercegovini (tačka 21. tenderske dokumentacije).

Shodno navedenom, dostavljeni tehnički nacrt se ne može smatrati prihvatljivim.

Prema zahtjevima iz tačke 13.3.2. b) pod 7) ponuđač je dostavio opis tehničkih karakteristika auto cisterne za vodu KARBA 5000l na šasiji VOLVO FL 42R 4x2 12t (stranice ponude 31-36), fotografiju vozila (stranica 37.) i original katalog za vozilo- šasiju VOLVO FL (prilog za stranicu 38.).

Međutim, ponuđač nije dostavio tehničku dokumentaciju, kataloge i drugi štampani materijal ili važne informacije koje se odnose na nadogradnju (tačka 9. Tehničke specifikacije tačka 3. Tehničke karakteristike cisterne za vodu).

Shodno navedenom, ova ponuda ne ispunjava zahtijevane tehničke karakteristike predmeta nabavke, te se ne može smatrati prihvatljivom.

Kako je jedina prihvatljiva ponuda grupe ponuđača „Auto Animo“ d.o.o. Mostar i „M.G.S. Grupa“ d.o.o. Kraljevica ponuđenom cijenom za 44.798,00KM veća od planiranih sredstva za predmetnu nabavku, ugovorni organ je donio Odluku o odobravanju dodatnih sredstava za nabavku cisterne za potrebe CZ broj: 02-16-17497/18-25 od 27.11.2020.godine, čime su osigurana potrebna sredstva za izbora najpovoljnijeg ponuđača i zaključenja ugovora za isporuku predmeta nabavke.

Na osnovu naprijed navedenog, primjenom člana 64. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.


Gradonačelnik
Ljubo Bešlić

Dostaviti:

1. Ponuđačima
2. Služba za budžet i finansije
3. Tajništvo gradonačelnika/objava na web-stranici
4. u spis
5. a/a